

პროგრამის სახელწოდება: ტრანსფორმაცია სამხრეთ კავკასიაში

(საერთაშორისო, ინტერდისციპლინური ინგლისურენოვანი პროგრამა)

მისანიჭებელი აკადემიური ხარისხი:

სოციალურ მეცნიერებათა მაგისტრი ტრანსფორმაციის სამხრეთ კავკასიაში

Master of Social Sciences in Transformation in South Caucasus

სამაგისტრო პროგრამის ავტორები: კობა თურმანიძე, მარინე ჩიტაშვილი

სამაგისტრო პროგრამის ხელმძღვანელი: უცხოელი ხელმძღვანელი: პროფესორი **სტივენ ჯონსი**, რუსეთის და ევრაზიის კვლევების კათედრის პროფესორი, მაუნტ ჰოლიოკის კოლეჯი, მასაჩუსეტსი, აშშ.

პროგრამას ადმინისტრირებას უწევს სოციალურ მეცნიერებათა ცენტრი, დირექტორი – პროფესორი მარინე ჩიტაშვილი.

სამაგისტრო პროგრამის საკვალიფიკაციო დახასიათება - პროგრამის მიზნები და ამოცანები:

სამაგისტრო პროგრამის მთავარი მიზანია სამხრეთ კავკასიის რეგიონის ეკონომიკური, სოციალური და პოლიტიკური ტრანსფორმაციის შესწავლა და კვლევის განვითარება. ამ მიზნის მისაღწევად პროგრამა ინტეგრირებულად უდგება ტრანსფორმაციის კვლევებს. ინტეგრირებულ მიდგომაში იგულისხმება: 1) ტრანსფორმაციის პროცესების განხილვა სხვადასხვა დისციპლინის კუთხით, როგორცაა პოლიტიკური მეცნიერება, საერთაშორისო ურთიერთობები, ეკონომიკა, სოციოლოგია და ისტორია, 2) კურიკულუმში თეორიული, უნარებზე ორიენტირებული და კვლევითი კურსების გაერთიანება. პროგრამის კიდევ ერთი ამოცანაა სამხრეთ კავკასიის ქვეყნებს შორის აკადემიური რესურსების გაცვლისა და კვლევითი თანამშრომლობის ხელშეწყობა.

პროგრამის შედეგი / სწავლის შედეგები (დარგობრივი და ზოგადი / ტრანსფერული უნარები)

ცოდნა და გაცნობიერება	ცოდნის პრაქტიკაში გამოყენება / პრაქტიკული უნარები	ზოგადი / ტრანსფერული უნარები
<p>კურსდამთავრებულები შეძლებენ თეორიული ცოდნის შეხამებას კვლევით უნარებთან რათა აწარმოონ დამოუკიდებელი კვლევა ტრანსფორმაციის პროცესში მყოფი ქვეყნების პოლიტიკურ და სოციალურ საკითხებთან მიმართებაში. კურსდამთავრებულს შეუძლია მოახდინოს ეკონომიკური, სოციალური და პოლიტიკური ტრანსფორმაციის შესახებ შექმნილი ძირითადი თეორიული მიდგომების ცოდნის ინტეგრირება გამოყენებითი კვლევისა და კომუნიკაციის უნარებთან და ასევე, მზად იქნებიან, რომ განაგრძონ სწავლა დოქტორანტურის საფეხურზე.</p>	<p>პოლიტიკური თეორიების ცოდნა და მათ შორის ურთიერთმიმართების დამყარება, მათი შედარება;</p> <p>სამხრეთ კავკასიის ქვეყნების ისტორიისა და ამჟამინდელი მდგომარეობის ცოდნა</p> <p>სამთავრობო, არასამთავრობო და საერთაშორისო ორგანიზაციების აქტივობის ცოდნა და კრიტიკული განხილვა</p> <p>სოციალური მეცნიერებების კვლევის მეთოდების ცოდნა და მათი სათანადო გამოყენება სამხრეთ კავკასიის პრობლემების კვლევისას.</p>	<p>კვლევის დამოუკიდებლად ჩატარების და მისი შედეგების წარმოდგენის უნარი;</p> <p>ზეპირი პრეზენტაციის უნარი სათანადო კომპიუტერული პროგრამის გამოყენებით ;</p> <p>დაინტერესებულ პირებთან კომუნიკაციის უნარი ;</p> <p>ჯგუფში მუშაობის უნარი</p> <p>ინგლისურენოვანი ტექსტების გაგების და კრიტიკული ალქმის უნარი</p>

პროგრამის სტრუქტურა: სამაგისტრო პროგრამის კურსდამთავრებულს ენიჭება სოციალურ მეცნიერებათა მაგისტრის ხარისხი და ეძლევა ბოლონის პროცესის მოთხოვნების შესაბამისი დიპლომის დანართი. სწავლის ხანგრძლივობაა 1.5 წელიწადი (18 თვე - 2009 წლის 1 სექტემბერი - 2011 წლის 28 თებერვალი), ანუ ოთხი აკადემიური სემესტრი (თითოეული სემესტრი - 15 კვირა). ხარისხის მინიჭების პირობაა 120 კრედიტის (ECTS) დაგროვება სასწავლო კურსებით (80 კრედიტი), კვლევითი სემინარითა და პრაქტიკით (10 კრედიტი), სამაგისტრო შრომით (30 კრედიტი).

დასაქმების პერსპექტივა

პროგრამის კურსდამთავრებულებს შეუძლიათ:

- დასაქმდნენ სამთავრობო, ან არასამთავრობო ადგილობრივ/საერთაშორისო ორგანიზაციებში როგორც პოლიტიკის ანალიტიკოსები - სფეროს სპეციალისტები;
- აწარმოონ კვლევითი საქმიანობა, ან დაიკავონ აკადემიური თანამდებობა უნივერსიტეტებსა და კვლევით ცენტრებში
- გააგრძელონ სწავლა საზღვარგარეთ, დასავლეთი უნივერსიტეტებში სამაგისტრო, ან სადოქტორო პროგრამებზე.

სასწავლო რესურსები

პროგრამის პირველი წელიწადი (2 სემესტრი) მოიცავს სასწავლო კურსებსა და სემინარებს, რომელთა ადმინისტრირებაც სოციალურ მეცნიერებათა ცენტრის ბაზაზე ხორციელდება. ცენტრი მდებარეობს თსუ-ს მეორე კორპუსის შენობაში. ცენტრი აქტიურად არის ჩართული საქართველოში უმაღლესი განათლების სისტემაში მიმდინარე რეფორმებში და აღჭურვილია სასწავლო პროცესისათვის საჭირო თანამედროვე რესურსებით:

- საკლასო ოთახი, კომპიუტერთა ფა პროექტორით;
- სოციალურ მეცნიერებათა ცენტრის ბიბლიოთეკა თანამედროვე და კლასიკური სამეცნიერო ლიტერატურის სოლიდური ფონდით (6000 ტომი); სავალდებულო და დამხმარე საკითხავი ლიტერატურის კრებულებით; სოციალურ მეცნიერებათა ცენტრში მომზადებული საგანმანათლებლო მასალით;
- კომპიუტერული კლასი, რომელიც ჩართულია ინტერნეტში და სტუდენტებისათვის ხელმისაწვდომია აკადემიური ჟურნალების ქსელი და ელექტრონული არქივები (EBSCOHost, Cambridge University Journals);
- მინი სტამბა, რომელიც აღჭურვილია ქსეროქსით, პრინტერებითა და რიზოგრაფით და გამოიყენება სასწავლო პროცესისათვის.

დაფინანსება

პროგრამაზე მიღებული 9 სუკეთესო კანდიდატის (3 ქართველი, 3 სომეხი, 3 აზერბაიჯანელი) სწავლის საფასურს სრულად აანაზღაურებს სოციალურ მეცნიერებათა ცენტრის უმაღლესი განათლების მხარდაჭერის პროგრამის (OSI, HESP) გრანტი. გამოცდების შედეგების მიხედვით მინიმალური ქულის დაკმაყოფილების შემთხვევაში სტუდენტები ჩაირიცხებიან პროგრამაზე, თუ თავად გადაიხდიან სწავლის საფასურს თსუ-ს სამაგისტრო პროგრამების ღირებულების შესაბამისად (2250 ლარი - 1 სასწავლო წ.). 6 საუკეთესო რეგიონული სტუდენტისთვის (სომეხი, აზერბაიჯანელი) ცენტრი დამატებით დააფინანსებს ყოველთვიურ საცხოვრებელ სტიპენდიას მათი თბილისში ყოფნის დროს, ანუ პირველი სასწავლო წლის განმავლობაში (10 თვე).

სამაგისტრო პროგრამაზე მიღების წინაპირობები

პროგრამაზე მიღებისათვის მოითხოვება:

- ბაკალავრის ხარისხი ან დიპლომი ნებისმიერ სფეროში; სასურველია, გარკვეული ცოდნა სოციალურ მეცნიერებებში;
- საერთო სამაგისტრო გამოცდის ჩაბარება;
- სტანდარტული საგანაცხადო დოკუმენტაცია ივ. ჯავახიშვილის სახელობის თბილისის სახელმწიფო უნივერსიტეტის მაგისტრატურაში შესვლისათვის;
- სოციალურ მეცნიერებათა ცენტრის საგანაცხადო ფორმის შევსება. საუნივერსიტეტო მოთხოვნების გარდა ცენტრის საგანაცხადო ფორმაში აუცილებელია მოკლე არგუმენტირებული ესსე და მოტივაციის წერილის წარმოდგენა, რომელშიც ასახული იქნება აპლიკანტის სურვილი, მოლოდინი, მოტივაცია და ხედვა თუ რატომ აბარებს ის კონკრეტულად ამ სპეციალობაზე. დამატებით აპლიკანტს შეუძლია წარმოადგინოს ნებისმერი რელევანტური ინფორმაცია, რომელიც ასახავს მის აქტივობას, კვალიფიკაციის დონეს ან სამუშაო გამოცდილებას სამეცნიერო ან პრაქტიკული საქმიანობის თვალსაზრისით;

- მაგისტრანტს მოეთხოვება ინგლისური ენის ცოდნა სულ მცირე B2 დონეზე. ამ მოთხოვნის შესასრულებლად კანდიდატს შეუძლია წარმოადგინოს შესაბამისი სერტიფიკატი (TOEFL, IELTS, სხვა მათი ეკვივალენტური ტესტები), ან ჩააბაროს უცხო ენაში თსუ-ს ენათა ცენტრის მიერ ორგანიზებული სამაგისტრო მისაღები გამოცდა (ენის ტესტი ჩატარდება სოციალურ მეცნიერებათა ცენტრის ბაზაზე)
- კანდიდატთა საბოლოო შერჩევა ხდება დამატებითი წერითი გამოცდისა და სპეციალურ კომისიასთან გასაუბრების საფუძველზე (საგამოცდო საკითხებისა და შესაბამისი ბიბლიოგრაფიული რეკომენდაციების ნახვა შეიძლება სოციალურ მეცნიერებათა ცენტრის ვებგვერდზე. საკითხავი ლიტერატურის ელექტრონული ვერსიის მოთხოვნა შეიძლება დისკებზე ცენტრის ადმინისტრაციისგან).
- გამოცდების ფორმატი და საბოლოო ქულის გამოყვანის სტრუქტურა:
 - წერითი გამოცდა სპეციალობაში (40 %) – 22 ივნისი
 - ინგლისური ენის ტესტი - B2 დონე (20%) – 23 ივნისი
 - გასაუბრება (40 %) – 26 ივნისი
 - საერთო სამაგისტრო გამოცდები - უნდა დააკმაყოფილოს მინიმალური მოთხოვნა - ივლისი.

საბუთების მიღება

- 27 აპრილი – 25 მაისი – რეგისტრაცია საერთო სამაგისტრო გამოცდისათვის. დეტალური ინფორმაცია იხ. www.naec.ge
- 15 მაისი - 15 ივნისი, საბუთების მიღება CSS-ში. სამუშაო დღეები, 10:00-18:00 სთ. ამოზეჭდილი განაცხადის გარდა, აპლიკანტმა უნდა წარმოადგინოს ელექტრონული საგანაცხადო ფორმაც. განაცხადის ფორმა დევს ცენტრის ვებ-გვერდზე, შესაძლებელია მიღება ცენტრის ადმინისტრაციისგან. თსუ II კორპუსი, თბილისი, ჭავჭავაძის გამზ. #3, III სართული, ოთახი #338

ცენტრის გამოცდების შედეგები გამოცხადდება ივლისის პირველ კვირაში. საბოლოო გადაწყვეტილება პროგრამაზე ჩარიცხვის შესახებ მიღებული იქნება საერთო სამაგისტრო გამოცდების შედეგების გამოქვეყნების შემდეგ.

ინფორმაციისთვის მოგვმართეთ: სოციალურ მეცნიერებათა ცენტრი, თბილისი, ჭავჭავაძის გამზ. #3, ივ. ჯავახიშვილის სახელობის თბილისის სახელმწიფო უნივერსიტეტის II კორპუსი, III სართული, ოთახი #338; ტელეფონი: (+995 32) 252781 / 102781; ფაქსი: (+995 32) 29 13 34 ; ელ. ფოსტა: mmikaberidze@ucss.ge ; www.ucss.ge